



DEO OPTIMO MAXIMO UNI ET TRINO,

VIRGINI DEI-PARÆ, ET S. LUCÆ,

Medicorum Orthodoxorum Patrono.



QUÆSTIO MEDICA*,

CARDINALITIIS DISPUTATIONIBUS

manè discutienda in Scholis Medicorum, die Jovis vigesimâ-secundâ mensis Martii, anno Domini M. DCC. LXXXI.

M. LUDOVICO-ALEXANDRO DE CEZAN, Doctore Medico,
Præsîde, M. HENRICI RAIMOND, Doctoris Medici, vices gerente.

An casti rariùs ægrotent, faciliùs curentur?

I.



UAM imperiosa præjudiciorum potestas! Adulatrix Poëtarum cohors Cupidinem finxerat Deum, ut ipsi Heroës ab eo vinci non erubescerent. Hinc sinceris natum felicitatibus Genus humanum voluptati addictum se putavit, suâque nunc quisquis trahi amat. Hic naturæ parendum esse stolidè existimat, ille per Veneris illecebras ad sanitatem ire contendit. Sed Venus dux malorum, sceleris artifex, modi ferè nescia, rationis usum spoliât, luxuriam inducit, Populos, Imperia, superbissimas devastat gentes; irrepit blandè & affigit humi divinæ particulam auræ. Beatus ille qui intelligit quàm sit turpè diffluere luxuriâ, deli-

* Autore M. JOANNE-BAPTISTA-LUDOVICO CHOMEL, Doct. Med. Par. Anno 1735.

catè ac molliter vivere; quàm honesta, quàm utilis sobrietas & continentia. Teste cœlo vivens, virtutem apprimè colit & servat; sublimiori lumine doctus, in umbrâ voluptatis illicitæ ludere horret, ne veram amittat. Sed si virtutis amor, si rectè facti conscia mens animum non allicit; caveas prudens ne libidini obtemperans, Veneri nimis indulgeas, & neglectâ salute propriâ, liquorem vivificum miserè profundas, qui in sanguinem reorptus utiliora longè protulisset: tunc enim rarior est morbus, aut, si accidat, faciliùs curatur.

I I.

A MOREM truculentum morbi genus non immeritò dixeris. Illo faviente, in alieno corpore vivit amans, in proprio serè mortuus est. Dii boni, quid hoc morbi est! Adeò ne hominem ex eo immutari, ut non cognoscas eundem esse! Quæ ars tanto abigendo malo inserviet? Ars certè Medica, Ars sine quâ cæteræ vilescerent, Ars omnium præstantior quæ temperamentorum naturam edocta, Animi pathematum perturbationes reducit & instaurat; quæ alimentorum qualitates, salutiferas medicamentorum virtutes, Artis gymnasticæ modos decernens, acuit ingenium, corpori sanitatem inducit, blandam morum integritatem confirmat; probitati, virtuti, religioni opportunè ancillans, libidinis refrenat impetus. Prisca gens mortalium animi dotibus eximia, corporis robore spectabilis, à diætâ lætos innocuâ serie exhaustiebat dies; citò quippe spumat in libidinem venter alimentis fervidioribus æstuans. Humores nimio inflammati pabulo, feroces vix componunt motus; hinc luxus lasciviæ parens, sanitatis inimicam incendit libidinem; plenus labe omnia invadit: multos enim morbos multa fecerunt fereula. Quæ virtus è contrâ foret & quanta bonis vivere parvo! Imò salubri labore victum condire prudenter, exuperantes succos vacuare, corruptas emendare, mentem erigere, vitia comprimere. Commendet igitur cibos fames, sitim potus extinguat. Quidquid naturam excedit naturæ nocet; succi plenos desidiosus amor sequitur; corpori indulgendum: non serviendum; durius tractanda caro, ne animo malè pareat.

I I I.

CASTITAS Veneris æstu lubens timere nesciâ, pro triplici hominum statu triplex est vel in virginibus, vel in orbatis, vel in uxoratis; sua est quippe in connubiis castitas apprimè servanda, quâ debito conjugali sobriè quisquis uxoratus impenditur, ne vires animi & corporis labefactando, Liberorum debitæ procreationi, sanitatis tutelæ, innumerisque & immensis connubii muneribus exequendis fiat prorsus impar. Maxima sanè & præstantissima Virginum castitas quæ non noscens ea à quibus postea optarent liberari, florem integrum corporis & ingenii conservat. Quæ fructum non ferunt arbores, virescunt latius, ramos expandunt latius, altius assurgunt; dùm fecunda pyrus maluque ferax gibbum curvum foediorique obductum libro truncum gestant: virginittatis dicas sterilitatem pulchritudine, longævâ sanitate, robore compenari. Venus quietis inimica rosas pollicetur, sed latentes in illius speluncâ leguntur spinæ. Dùm sanguinis probissimi spuma, cerebri spinalisque medullæ effluvium semen exit, spiritibus unâ dissipantur, sensus infirmantur, ingenium vix suū compos contristatur, hebescit, debilitantur articuli; laxum fractumque corpus vix sustinet miser homo; vivo suo nitore spoliantur lumina, obscuroque intumescunt circulo. Itâ Venus epilepsia

etſi brevis, adoleſcentibus incrementum remoratur; generi nervoſo inſenſa; viris ſenium maturat, ſenibusque mortem. Nec ſatis: inſaniens libido ea diſſipat auxilia quibus conamina morborum validiori conamine Natura ſuperat. At quantum roboris ſuppeditabit provida caſtitas! Si ſemen in arva naturæ ſpirantia projectum omnia viviſcat, nonne illius in ſanguinem reſſi beneficio ſtabit diutius machina vegetior? Nonne validior factus ſanguis inſenſilem adaugebit perſpirationem, variarumque anni tempeſtatum imperus obtundet? Nonne ſeminis virtus per artus reſuſa, vigorem illum conciliabit cujus ope veſani morborum aſſultus præcavebuntur, ſanguis cum utilitate profundetur, cujus ope, diætæ, & medicamentorum ſalutiferos effectus cum ſœnore percipiant ægrotantes? Adeò patet caſtitaſis ſalubris utilitas ſanitatiſ hoſtes fugatura!

I V.

QUANTI ergò fugax emitur voluptas! Proh hominum cæcitatem! Libidinis inſaniam expientes, ſanitati conſulere jaſtitant. At in renibus nephriticum affectum, in ſtomacho cruditaſtem, in cerebro catharrum, in corde palpitacionem & ſyncopem producit Aphrodiſis.... Sub dulci melle impia latent venena. Ex univerſo corpore profluit ſemen, effuſo ſemine corpus univerſum languebit. Caſtitaſis igitur pulchra conditio, vitale bonum quo non eſt in terris obtabilius quidquam, ſanitatem roborans ſervat & ſuſtinet, morborum aſſultus ludit & ex ſemine reſſu vires depromit præcipuas. Errant qui ſemen cum in corpore abundat corruptioni obnoxium eſſe autumant: nonne ſanguinis pars ſubtilior per ſubtiles vaſorum mæandros permeare apta eſt? Actuoſiſſimum eſt ſemen, ingurgitari neſcit, per pecularia vaſa vehitur, per propria redit. Si virgines histericis affectibus torquentur, ſi ſcædantur colores purpurei; plus morbus melancolicus, plus Parentum moroſitas, vel tædii & otii plena vivendi ratio mali aſfert quàm Veneris ignotæ abſtinentia. Febrem ipſammet eroticam non curat Aphrodiſis; non ſanat qui vulnerat; ignem non ſedat qui incendit; erethiſmus non laxatur ab iis quæ ſpaſmum, ardorem, tentiginem longè latèque inferunt. Sed experientiam teſtem appellemus, ſalaciora animalia parùm vivunt. Videamus validiſſimos & ſatis robuſtos adoleſcentes tanto ſtipendio, & ſpirituum effuſione Veneris uti illecebris, ut ad miſerum ſtatum celeriter deducantur. Calvos & porrigine ſædos adſcititia cæſaries fraudulenter adornat, alvus ſtringitur, tument hemorrhoides, crura franguntur, podagra incurvat, ardet ſatyriaſis, innumerisque aliis (ut taceamus horrenda furidundæ Veneris flagella) morborum deliramentis exploduntur.

V.

ET ſunt homines adeò molles & laſcivi, ut tot ſævis affectibus premi non curent, tot cruciatibus lacerari contemnant, ſanitatem poſtponant libidini! Quævis delectamenti venerei mica mille ægritudinibus rependitur. Faceſſant igitur inepti agyrthæ qui ſanitatiſ gratiâ ſcortari ſuadentes, libidinem pro ſcientiâ auſcultant. Sanari pigeat ubi turpis eſt Medicina. Imò ad corporis conſervationem nulla adeſt Veneris neceſſitas. Nullius morbi cauſa eſſe poteſt Veneris abſtinentia: veſci cirrà ſaturitatem, impigrum eſſe ad laborem, vitale ſemen ſervare tria eſſe ſaluberrima apud omnes in conſeſſo erit. Quò major erit voluptas, tantò ſanitari detrahetur magis. Quò plus ſcintillabit ignis, eò citiùs marceſcet,

Longior huic corpusculo prorogari potest mora, si voluptates quibus pars hominum major perit, regere & coërcere poterimus. Venere tamen utantur qui debitum conjugale reddere tenentur & Liberis dant operam, sed moderate & castè. Hinc nestoreos ad annos pervenire, sanitate longævâ frui liquebit. Hinc secura voluptas, dulcedo non fallax.

Ergo casti rariùs ægrotant, faciliùs curantur.

Proponebat Parisiis Renatus LOUCHE-DESFONTAINES, Rhedonenfis;

Doctor Medicus Remensis, necnon Saluberrimæ Facultatis Parisiensis

Baccalaureus, A. R. S. H. 1781.

AB OCTAVA AD MERIDIEM.